

UNNE TERUKBLIK... DOOR LEN



Op zönjig 6 jannewari 2013 waerdje ich oetgeroope es Prins Len 1^e saame mit mien Prinses Maud. Daezelfdje middig waerdje de noewe borde veur in de tuin onthuldj en die waare kei sjiek. De daag durnao toen ich oet sjoal kwaam stong ut bord bie os al in de tuin en ut waas auch al hieel sjoen versierdj. De weekende dur nao zeen wae mit de jeugraad auch nao versjilendje prinsereceptions van anger jeugprinsepare gewaesj o.a. Hunsel, Ell, Stramproy en auch nao Heibloom. Op zönjig 20 jannewari haaje wae os eige prinsereceptie en die waas kei gaaf. De familie, vrunj, voetbalclub, scouting, de rabbedabben van Haler zelf, de vasteloavendjverenigingen van Kelpen-Oler, Ell, Hunsel waare dur allemaol. De groep Sjing Boem haaj auch weer ein geweldjig optraeje gegaeve en die haaje de zaal weer effe oppe kop gezatte. Wae zeen auch nog oppe foto gewaesj mit alle Prinse en Prinsesse, Jeugprinse en Jeugprinsesse van Leudal bie ut kastieel in Grathem. Op zaoterdig 2 fibrewari waas de Bontje Aovendj. Van teveure höbbe wae mit de hieele jeugraad lekker frietjes gegaete bie Winy. Daonao begos de bontje aovendj

en dae waas erg leuk. Dur zoote geweldjige stukskes bie. Wae höbbe dae aovendj veul gelache. Op donderdig 7 fibrewari haaje wae de jeugsleuteleuverdrach in Heur. Wae waare toen saame mit Ell mit de groete bus dur nao toe gegange. Alle jeugprinse en jeugprinsesse van de gemeindje Leudal waare dao. Big Benny haaj auch ein geweldjig optraeje gegaeve en wae höbbe dae aovendj hieel wat gehosj en gespronge. Ut waas gewoen eine top aovendj. De daag durnao haaje wae vasteloavendj op sjoal in Stramproy. Dao zeen wae als Prins en Prinses van Haler nao toe gegange. Dit waas auch weer eine erg gezellige daag. Op vasteloavendjzönjig zeen wae spek mit eier gaon aete bie Winy en höbbe wae de polonaise gelaupe natuurljik achter de bar. Op maondjigmörrege zeen wae de Prinsewagen gaon verseeve veur de Dolle Dinsdig in Haler. Dae waas erg leuk gewoen. Verder was dur op maondjig weer de thema aovendj en det waas dit jaor "pirate". Wae höbbe toen alle pirate motte beoordeile en de sjoenste haaje eine prieses gewonne. Dolle Dinsdig veur de optoch zeen wae ierst bie Prinses Maud mit de hieele jeugraad spek mit eier gaon aete. Die waare erg lekker. Daonao höbbe wae os klaor gemaaktj veur oppe prinsewage veur de optoch. Ut waas weer eine geweldjige optoch. Dur waare erg leuke en groete waages bie. Nao de optoch höbbe wae nog gehosj, gespronge en de polonaise gelaupe tot in de late eurkes.

Ut waas eine kei leuke en te gekke vasteloavendj.

Ich höb dur van genoote. Toppie!!!

Names Prins Len 1^e wil ich idderein bedanke veur de geweldjige vasteloavendj 2013.

